

尺牘雋言卷之五

閩莆陳臣忠景周甫輯 吳興閔邁德日斯甫校

晉

與諸葛亮

司馬懿追尊宣帝

黃公衡名權快士也。每坐起。歎述足下不去口實。

與許允字士宗

司馬師追尊景帝

鎮北雖少事。而都典一方。念足下震華鼓建朱節。歷本州。此所謂著繡畫行也。

與吳主孫皓

司馬昭追尊文帝



國朝深惟代蜀之舉。雖有靖難之功。亦悼蜀民獨罹其害。伏尸蔽地。血流丹野。一之於前。猶追恨不忍。況重之於後乎。是故旋師按甲。思與南邦共全百姓之命。

詔王濬

字士治

武帝

軍人乘勝。猛氣益壯。便當順流長驚。直造秣陵。

報劉琨

字越石

元帝

豺狼肆毒。薦覆社稷。實賴遠謀。共濟艱難。萬里之外。心存咫尺。公其撫寧華戎。致罰醜類。動靜以聞。



與溫嶠

明帝

痛謝鯤未絕于口。世將王廙字復至於此。並盛年雋才。不遂其志。坐相視盡如何。

詔山遐

字彥林

康帝

東陽頃來竟囚。每多入重。豈郡多罪人。將捶楚所求。莫能自固邪。

勅世子毗

東海王越

字元超

夫學之所益者淺。體之所安者深。閑習禮度。不如式瞻儀形。諷味遺言。不若親承音旨。王叅軍人倫之表。



汝其師之。

荅安南將軍甘卓

字季思

譙王承

字敬才

季思足下。勞於王事。天綱暫圯。中原丘墟。四海義士。  
方謀克復。中興江左。草創始爾。豈圖惡逆。萌自寵臣。  
吾以闇短。托宗皇屬。仰豫密命。作鎮南夏。親奉中詔。  
成規在心。伯仁諸賢。扼腕岐路。至止尚淺。凡百茫然。  
豺狼易驚。遂肆醜毒。聞知駭踊。神氣衝越。子來之義。  
人思自百。不命而至。衆過數千。誠足以決一旦之機。  
攄山海之憤矣。然迫於倉卒。舟楫未備。魏又李恒。尋



激切

見圍逼。是故事與意違。志力未展。猥辱來使。深同大趣。嘉謀英筭。發自深衷。執讀周復。欣以無量。足下若能卷甲電赴。猶或有濟。若其狐疑。求我枯魚之肆矣。兵聞拙速。未覩工遲。季思足下。勉之。勉之。書不盡意。絕筆而已。

荅殷浩

字深源

簡文帝

名昱

帝時爲會稽王。始綜萬機。徵浩爲楊州刺史。浩上書陳讓。帝荅之。

屬當厄運。危弊理盡。誠賴時有其才。不復遠求。版築足下。沈識淹長。思綜通練。起而明之。足以經濟。若復



何等懸企

深存挹退。苟遂本懷。吾恐天下之事。於此去矣。今絃  
領不振。晉綱不綱。願蹈東海。復可得邪。由此言之。足  
下去就。卽是時之廢興。時之廢興。則家國不異。足下  
弘思之。靜笑之。亦將有以深鑒可否。望必廢本懷。率  
羣情也。

與從弟琇

羊祜  
字叔子

知足之言

年已朽老。既定邊事。當首角巾東路。還歸鄉里。於墳  
墓側。爲容棺之墟。假日視息。思與後生味道。此吾之  
至願也。以凡才而居重位。何能不懼盈滿之責邪。疏



廣吾師也。聖主明恕，當不奪微志爾。

與王濬

杜預

字元覬

足下既摧其西藩，便當徑取秣陵。討累世之逋寇，釋吳人於塗炭，振旅還都，亦曠世一事也。

與褚陶

字季雅

張華

字茂先

二陸龍躍於江漢，彥先鳳鳴於朝陽。自此以來，常恐南金已盡，而復得之於吾子。故知延州之德，不孤淵岱之寶，不匱。

報雷煥

字孔章

張華



自是神識

初斗牛之間常有紫氣煥言于華以爲在豫  
章豐城卽補煥爲豐城令到縣掘獄屋基得  
一石函中有雙劍並刻題一曰龍泉一曰太  
阿煥送一與華留一自佩華乃報煥書後華  
誅失劍所在煥卒子爽爲建安從事行經延  
平津劍於腰間躍出墮水見兩龍各長數丈  
所致詳觀劍文真于將也莫邪何復不至雖然天生  
神物終當合耶

薦傳長虞

孫楚

字子荆

楚聞騏驥不遺能於伯樂良寶不藏輝於卞和是以  
輝光夜射價連秦趙飛駟絕影終朝千里物尚有之  
士亦宜然



語有致

荅辛曠

皇甫謐字士安

猥承告示。欲備七十。木非梧桐。豈敢棲鳳。聞命悚灼。如蹈春冰。非苟崇謙。實懼陷墜。幸恕不假。明亮志心。

月儀帖

索靖字幼安

隔限遐途。莫因良話。引領託懷。情過採葛。

夷則布氣。暑運西流。遙想足下。動靜順宜。川塗悠遠。乖我談宴。心存明視。精爽馳想。登高長佇。洩以隕之。不勝勞覲。裁及書問。

應鍾路運。嚴霜稍隆。時變物移。感候增懷。馳心繫想。



確言

言存所親。山川路限。不能翻飛。登彼崇丘。逍遙長望。  
延竚莫及。思積情疲。不勝鬱陶眷然之感。  
往春執手。刻會來秋。迎期待面。慊然遲想。正以逸驥  
之迹。騁于雲漢之路。龍驤天府。忘此友信。飛沈壹殊。  
何緣言。懃厚爲時節。寶愛光儀。

荅楊濟

字文通

傳咸

字長虞

衛公云。酒色殺人。此甚於作直。坐酒色死。人不爲悔。  
逆畏以直致禍。此由心不直。正欲以苟且爲明哲耳。  
自古以直致禍者。當自矯枉過直。或不忠允。欲以亢



厲爲聲故致忿耳安有慙慙爲忠益而當見疾乎

與州將

應亨

誨命欲求佳別駕自頃諸府大開搜延路廣海罔遺  
蚌山無逸璞歸數日臥思得一人陳國有袁琇字惠  
瑛者才識可以經於治亂栖時可以勸厲後進亨所  
服聞而未嘗接顏交言也又宗令文早有名輩相與  
通家門素所具抑亦其次

責子陶侃

侃少作魚梁吏嘗以  
蚶鮮遺母母責之

湛氏

爾爲吏以官物遺我非惟不能益吾乃以增吾憂矣

賢哉其母



可謂危言

與陶侃

溫嶠字太真

僕謂軍有進而無退。宜增而不可減。近已移檄遠近。同赴此會。惟須仁公所統至便齊進耳。仁公今召軍還。疑惑遠近。將謂仁公緩於討賊。此聲難追。公進當爲大晉之忠臣。叅桓文之義。退當以慈父雪愛子之痛。約峻凶逆無道。人皆切齒。今之進討。若以石投卵耳。今出軍既緩。復召兵還。人心乖離。是爲敗於幾成也。願深察所陳。以副三軍之望。

侃子瞻爲峻所殺

與趙王倫

陸機字士衡



何等工儗

伏見處士戴淵

字若思

砥節立行有并潔之潔安窮樂

志無風塵之慕誠東南之遺寶朝廷之貴璞也若得  
寄蹟康衢必能結軌驥騄耀質廊廟必能垂光瑜璠  
夫枯岍之民果於輸珠潤山之客烈於貢玉蓋明暗  
呈形則庸識所甄也

與弟雲

字士龍

陸機

此間有一傖父欲作三都賦須其成以覆酒甕耳

與兄平原

陸雲

雲久絕音於文章由前日見敦之後而作文解愁聊



筆落雲藻

復作數篇爲復欲有所爲以忘憂貧家佳物便欲盡  
但有錢穀復羞出之而體中殊不可以思慮腹立滿  
背便熱亦誠可悲

與太常府薦張瞻

陸雲

方今太清闢宇四門啟籥慶雲興以招龍和風起而  
儀鳳誠巖穴耀穎之秋河津託乘之日也而瞻沉淪  
下位羣望悼心若得端委太學錯綜先典垂纓玉階  
論道紫宮誠帝室之瑰寶清朝之偉器廣樂九奏必  
登昊天之庭韶夏六變必饗上帝之祀矣



有情

與陸典

陸雲

巨卿在臺高譽洋溢洛邑之內無不欽敬東南之貴  
寶真不但會稽之篠簜也每會常共歌詠信無一面  
不嘆吟也想方周旋携手散今日之思耳

弔陳永長

陸雲

永曜茂德遠量一時秀生奇蹤瑋寶灼爾凌羣冀其  
永年遂播盛業携手遐遊假樂此世柰何一朝獨先  
彫落奄聞凶諱禍出不意拊心痛楚肝懷如割臨書  
鯁塞投筆傷情



真是幻境

與戴季甫

陸雲

昔年少時見五十公去此甚遠今日冉冉已近之已耳順之年行復爲憂嘆也柯生而多悅樂春未厭秋風行戒已悲落葉矣人道多故懽樂恒乏遨遊此世當復幾時各爾遠隔良會每闌懷想親愛寤寐無忘書無所悉

荅陸雲

車永

字茂安

永甥石季甫除爲鄧令聞縣有短狐之疾又有沙蜂害人舉家慘戚雲示以鄧縣土地之快永荅之



卽日得報披省未竟懽喜踊躍輒於母前伏讀三周  
舉家大小豁然忘愁也足下此書足爲典誥雖山海  
經異物志二京兩都殆不復過也恐有其言能無其  
事耳雖爾猶足息號泣歡忭笑也府君入後月當西  
出足下可豫至界上吾欲先一日與卿相見也荅不  
復多。

與人

胡毋輔之  
字彥國

王澄

字平  
子

彥國吐佳言如鋸木屑霏霏不絕誠後進領袖也

與人稱兒徵

王澄



雋語

風氣日上足散人懷。

與友人袁甫

字公甫

萃譚

字令思

誠以枯澤非應龍之淵。棘林非鸞鳳之窟。昔食其自  
匿監門。非高祖不長揖。孔明躬稼南陽。非劉氏不馳  
驅。望雲霄而偶翮。見鴻漸之輕羽。瞻長途而高鳴。知  
騏驥之迅足。

與國臣

衛瓘女

先公名謚未顯。無異凡人。每怪一國蔑然無言。春秋  
之失其咎。安在悲憤感慨。故以示意。



卓見

獎語雅重

與顧榮

字彥先

張翰

天下紛紛未定。夫有四海之名者。求退良難。吾本山  
林間人。無望于時久矣。子善以明防前。以智慮後。

報虞預稱楊方

預字叔寧  
方字公回

賀循

字彥先

此子開拔有志意。只言異於凡猥耳。不圖偉才如此。  
其文甚有奇分。若出其胸臆。乃是一國所推。豈但牧  
豎中逸羣邪。如方者。乃荒萊之特苗。鹵田之善秀。資  
質已良。但沾染未足耳。移植豐壤。必成嘉穀。

遺王導

字茂弘

陳頽

字延思



古今通弊

中華所以傾弊者。正以取才失所。先白望而後實事。浮競驅馳。互相貢薦。言重者先顯。言輕者後敘。遂相波扇。乃至凌遲。加有莊老之俗。傾惑朝廷。養望者爲弘雅。政事者爲俗人。夫欲制遠。先由近始。今宜改張。明賞信罰。拔卓茂於密縣。顯朱邑於桐鄉。然後大業可舉。中興可冀耳。

與親故

劉琨

吾枕戈待旦。志梟逆虜。常恐祖生

名遜字士雅

先吾著鞭

耳。



與荀崧

陶侃

杜曾凶狡。所將之卒。皆豺狼也。可謂鴟梟食母之物。此人不死。州土未寧。足下當識吾言。

報兄冰

庾翼

字稚恭

大較江東政以偃僂豪彊。以爲民蠹。時有行法輒施之寒劣。如往年偷石頭倉米一百萬斛。皆是豪將輩。而直打殺倉監督以塞責。兄弟不幸。橫陷此中。自不能拔脚於風塵之外。當共明目而治之。荊州所統一二十郡。惟長沙最惡。惡而不黜。與殺監督者復何異。

大有風力



知人

嘆服

耶

遺殷浩

翼請浩為司馬浩不應翼遺之

庾翼

王夷甫立名非真雖云談道實長華競明德君子遇會處際寧可然乎

荅殷羨

字洪喬送一拆角如意與翼

庾翼

得所致雖是敗物猶欲理而用之

與王羲之

字逸少

庾翼

吾昔有伯英章草十紙過江顛狽遂乃亡失常嘆妙跡永絕忽見足下荅家兄書煥若神明頓還舊觀



堪為涕洟

臨終與庾亮

字元規

孔坦

字君平

不謂疾苦。遂至頓弊。自省綿綿。奄忽無日。脩短命也。將何所悲。但以身往名沒。朝恩不報。所懷未敘。卽命多恨耳。足下抗威顧盼。名震天下。棖椽之佐。常願下風。使九服式序。四海一統。若歿而有靈。潛聽風烈。

追報孔坦

庾亮

得八月十五日書。知疾患轉篤。遂不起濟。悲恨傷楚。不能自勝。吾以寡乏。忝當大任。國恥未雪。夙夜憂憤。常欲足下同在外藩。戮力時事。此情未果。來書奄至。



申尋往復不覺深隕深明足下慷慨之懷深痛足下  
不遂之志邈然永隔夫復何言謹遣報荅并致薄祭  
望足下降神饗之

與謝安

字安石

習鑿齒

字彥威

來此見釋道安故是遠勝非常道士師徒數百齋講  
不倦自相尊敬乃是吾由來所未見其人理懷簡衷  
多所博涉內外羣書略皆遍觀陰陽筭數亦皆能通  
佛經妙義故所游刃恨足下不同日而見其亦每言  
思德一叙

無限情思



與桓溫字元子

孫盛字安國

州遣從事觀採風聲。進無威鳳來儀之美。退無鷹鸇搏擊之用。裴回湘川。將爲怪鳥。

論支道林

郗超字景興

道林法師。神理所通。玄拔獨悟。數百年來。紹明大法。令真理不絕者。一人而已。

與支遁

謝安

思君口積計辰。傾遲知欲還。剡自治甚以悵然。人生如寄耳。頃風流得意之事。殆爲都盡。終日憾憾觸事。



有致

悵悵惟遲君來以晤言消之一日當千載耳此多山  
縣閑靜差可養疾事不異剡而醫藥不同必思此緣  
副其積想也

與道安

竺法汰

每憶敷上人周旋如昨逝沒奄復多年與其清談之  
日未嘗不相憶思得與君共覆疏其美豈圖一旦永  
爲異世痛恨之深何能忘情

與竺道壹

帛道猷

始得優游山林之下縱心孔釋之書觸興爲詩凌峰

悽然



清趣

採藥服餌蠲疴樂有餘也。但不與足下同日以爲恨耳。

與兄

謝玄字幼度

居家大都無所爲。正以垂綸爲事。足以永日。北固山下。大有鱸魚。一出手釣得四十九枚。

與韓康伯

伯名

俞益期

惟檳榔樹最南游之奇觀。子旣非常。木亦特異。余在交州時度之。大者三圍。高者九丈餘。葉聚木端。房棲葉下。華秀房中。子結房外。其擢穗似黍。其綴實似穀。

描寫得趣



其皮似桐而厚。其節似竹而概。其中空。其外勁。其屈如覆缸。其伸如縋繩。稠直亭亭。千百若一步。其林則寥廓。庇其蔭則蕭條。信可以長吟。可以遠想矣。但性不耐霜。不得北植。必當遐立海南。遼然萬里。不遇長者之目。自令人恨深。

與王羲之

殷浩

字深源

足下出處正與隆替對。豈可以一世之存亡。必從足下從容之適。

報殷浩

王羲之



吾素自無廊廟直王丞相時果欲內吾誓不許之手  
跡猶存由來尚矣不於足下叅政而方進退俟兒婚  
女嫁便懷尚子平之志數與親知言之非一日也若  
蒙驅使關隴巴蜀皆所不辭

荅謝尚

王羲之

真長

劉琰字

標同伐異俠之大者常謂使君降階爲甚

乃復爲之驅馳邪

遺殷浩

浩北伐旣敗復謀再舉右軍止之

王羲之

知安西敗喪公私惋怛不能須臾去懷以區區江左



卓識

切至

所營綜如此天下寒心固以久矣而加以敗喪此可孰念往事豈復可追願思弘將來若猶以前事爲未工故復求之於分外宇宙雖廣自容何所

與桓溫

王羲之

謝萬才流經通處廊廟叅諷議故是後來一器而今屈其邁往之氣以俯順荒餘近是違才易務矣

誠謝萬

字萬

王羲之

以君邁往不屑之韻而俯同羣辟誠難爲意也然所謂通識正自當隨事行藏乃爲遠耳願君每與士之



可作座右

銘

真是樂境

可為家法

下者同則盡善矣。食不二味，居不重席。此復何有？而古人以為美談。濟否所由，實在積小，以致高大。君其存之。

與謝萬

王羲之

頃東遊還，修植桑果。今盛敷榮，率諸子抱弱孫游觀。其間有一味之甘，割而分之以娛目前。雖植德無殊，邈猶欲教養子孫，以敦厚退讓，戒以輕薄。庶令舉策數馬，彷彿萬石之風。

比當與安石東游山海，并行田視地利，願養閑曠，衣



得趣

食之餘欲與親知時共歡讌雖不能興言高詠銜杯  
引滿語田里所行故以爲撫掌之資其爲得意可勝  
言耶

與人論書

王羲之

吾書比之鍾

名繇張

名芝當抗行

或謂過之

張草猶當鴈

行張精熟過人臨池學書池水盡墨若吾耽之若此  
未必謝之

辭郡帖

王羲之

篤不喜見客篤不堪煩事此自死不可化而人理所



重如此都郡江東所聚自非復弱幹所堪足下未知之耳。

七十帖

王羲之

足下今年政七十耶知體氣常佳此大慶也想復慙加願養吾年垂耳順推之人理得爾以爲厚幸但恐前路轉欲逼耳以爾要欲一游目汶領非復常言足下但當保護以俟此期勿謂虛言得果此緣一段奇事也。

蜀郡帖

王羲之



省足下別疏。具彼土山川諸奇。楊雄蜀都左太沖三都殊爲不備。悉彼故爲多奇。益令其游目。意足也可得果。當告卿求迎。少人足耳。至時示意。遲此期。真以日爲歲。想足下鎮彼土。未有動理耳。欲及卿在彼。登汶領峨嵋而旋。實不朽之盛事。但言此心。以馳於彼矣。

和方帖

王羲之

羣從彫落。將盡餘年。幾何而禍痛至此。舉目摧喪。不能自喻。且和方左右時務。公私所賴。一旦長逝。相爲



痛惜豈惟骨肉之情言及摧惋永往柰何

問慰帖

王羲之

去冬在東鄮因還使白牋伏想至自頃公私無信便  
故不復承動靜至於詠德之深無日有隧省告可謂  
眷顧之至尋玩三四但有悲慨民年以西夕而衰疾  
日甚自恐無覓展語平生理也以此忘情將無其人  
何以復言惟願珍重爲國爲家時垂告慰絕筆情塞

又

王羲之

向遂大醉乃不憶與足下別時至家乃解尋憶乖離



達言

其爲歎恨言何能喻聚散人理之常亦復何云惟願足下保愛爲上以俟後期故旨遣此信取足下過江問臨紙情塞。

相過帖

獻之與郗氏妻離婚

王獻之

字子敬

相過終無復日悽切在心未嘗慙撥一日臨坐日想勝風但有感慟當復如何常謂人之相得古今洞盡此處殆無恨于懷但痛神理與此而窮耳省告不覺漣一作灌流旣已往矣亦復何言。

鏡湖帖

王獻之



鏡湖澄澈。清流瀉注。山川之美。使人應接不暇。

告右英王夫人

許穆

字思玄

昔人學道。尋師訪友。彌積年載。經歷山岳。備嘗勞苦。然後授以要訣。穆德薄罪厚。端坐愆室。橫爲衆真所見。採錄鑒戒。備至啓悟。非一夫人垂恩所賜。自可徐徐移東山。然後親授道之來也。不計遲速。恩之隆也。何限早晚。命使願告。敢不上達。

示許長史

名穆

保命君

衰年體羸。多爲風寒所乘。當深願養。晏此無事上味。



玄元栖守絳津。體寂至達。心研內觀。屏彼萬慮。蕩濯  
他念。乃始近其門戶耳。若憂累多端。人事未省。雖復  
憇靈空洞。存心淡泊。纏綿亦弗能達也。

示許長史

定錄君

仙道寂寂。尋之亦使人不勸也。况復求之於無涯耶。  
假令東山忽有石髓盤結。紫芝映林。夜光煥燭。燕胎  
曜峰。靈津肆顯。乘真羅吟。人人往者。皆得掇玄華而  
揖王腴。對天仙以散想也。將必相與把臂太虛。駕終  
卿雲矣。未審子當力赴此二日。暫游山澤。不將故以

非胸中有

真得者不



能為此言

官私自切。不獲一果耶。今之所爲懈難者。蓋闇推於有無之間耳。以無期我。我亦無也。空中有真子。不覩之。不可謂罕彷彿矣。所望在於不褰裳耳。

與庾安西

王胡之

字脩齡

此間萬頃江湖。撓之不濁。澄之不清。而百姓有投一綸。下一筌者。皆奪其魚器。不輸十足。則不得放。不知漆園吏何得持竿。不顧漁父何得鼓枻而歌滄浪也。

戲言有味

問行帖

無名氏

天氣且未佳。汝定成行否。寒食近得且住爲佳耳。



千里神交

致釋僧肇

劉遺民

頃餐徽聞。有懷遙佇。歲末寒嚴。體中如何。音寄壅隔。增用抱蘊。弟子沉疴草澤。常有弊瘵耳。因慧明道人北游。裁通其情。古人不以形疎致淡。悟涉則親。是以雖復江山悠邈。不面當年。至於企懷風味。鏡心象跡。佇悅之勤。良以深矣。紆然無因。瞻霞永歎。

荅劉遺民

僧肇

不面在昔。佇想用勞。得疏并問。披尋返覆。欣若暫對。涼風屈節。頃常如何。服像雖殊。妙期不二。江山雖紆。



剗切

理契卽隣。所以望途致想。虛襟有寄。君旣遂嘉邈之志。標越俗之美。獨恬事外。歡足方寸。每一言集。何嘗不遠喻林下之雅詠。高致悠然。清散未期。厚自保愛。

與沈警

字世明

王恭

字孝伯

足下旣執不拔之志。高卧東南。故屈賢子共事。非以

吏職嬰之也。

恭引警字穆夫爲前軍主簿

與王荊州

名忱字元達

祖台之

字元辰

君頃復飲不。古人以酒爲篤誠通識之士。往往累加此物。君受重任。憂深責大。願君屏爵棄卮。焚罍毀榼。



有韻

殛儀狄於羽山。放杜康於三危。流王武於幽都。拘谷陽於崇山。四罪既除。道自康矣。古人繫重離。必有贈言。僕之與君。其能已乎。

詣桓玄

字敬道

牟孖

字子道

自頃世故睽離。心事淪蘊。明公啓晨光於積晦。澄百流以一流。

與桓玄

殷仲堪

頃聞抄掠所得。多皆採樵饑人行者。傾筐以顧。念居者吁嗟以待延。而一旦幽繫。生離死絕。求之於情。可



見理之談

傷之甚。昔孟孫獵而得麕。使秦西巴歸之。其母隨而悲鳴。不忍而放之。孟孫赦其罪。以傳其子。禽獸猶不可離。況於人乎。夫飛鶚惡鳥也。食桑椹。猶懷好音。雖曰戎狄。感之有物。非難化也。必使邊界無貪小利。強弱不得相陵。德音一發。必聲振沙漠。三寇之黨。將靡然向風。何憂黃河之不濟。函谷之不開哉。

荅王謐

慧遠

昔人不愛尺璧。而重寸陰。觀其所存。似不在長年耳。檀越旣履順而游性。重佛理以御心。因此而推。復何



羨之於遐齡耶。聊想斯理。久以得之。爲復酬來信耳。

與鳩摩羅什

慧遠

曩日殊域。越自外境。于時音譯未交。聞風而悅。頃承懷寶來遊。則一日九馳。徒情欣雅味。而無由造盡。寓目望途。增其勞佇。夫梅檀移植。則異物同薰。摩尼吐曜。則衆珍自積。且滿願不專美於絕代。龍樹豈獨善於前蹤。今往比量衣裁。願登高座爲著之。

滿願龍樹皆佛祖名

荅姚興

慧遠

欲令作大智論序。披省之日。有愧高命。又體羸多疾。



觸事有廢不復屬意已來其日亦久緣告之重輒粗綴所懷至於研究之美當復寄諸明德

貽劉敬宣

字萬壽

諸葛長民

盤龍

劉毅字

狼戾專恣自取夷滅異端將盡世路方夷

富貴之事相與共之

報諸葛長民

劉敬宣

下官自義熙以來首尾十載遂忝三州七郡今此杖節常懼福過災生實思避盈居損富貴之旨非所敢當



洒落

與子儼等

陶淵明字元亮

少學琴書。偶愛閑靜。開卷有得。便欣然忘食。見樹木交蔭。時鳥弄聲。亦復懽然有喜。常言五六月中。北窻下卧。遇涼風暫至。自謂是羲皇上人。意淺識罕。謂斯言可保。日月遂往。機巧遂疎。緬求在昔。眇然如何。

又

汝旦夕之費。自給爲難。今遣此力。助汝薪水之勞。此亦人子也可善遇之。

與祖逖

後趙石勒



天下之惡一也。叛臣逃吏，吾之深讎。將軍之惡，猶吾惡也。

下涼州令

前涼張軌

字士彥

吾在州八年，不能綏靖區域。又值中州兵亂，秦隴倒懸，加以寢患委篤，實思歛跡避賢，但負荷任重，未便輒遂。不圖諸人橫興此變，是不明吾心也。吾視去貴州如脫屣耳。

荅索商

張天錫

字純嘏

吾非好行，行有得也。觀朝榮，則敬才秀之士；玩芝蘭，



則愛德行之臣觀松竹則思貞操之賢臨清流則貴  
廉潔之行覽蔓草則賤貪污之吏逢颶風則惡凶狡  
之徒若引而申之觸類而長之庶無遺漏矣

遺郭瑀

字元瑜

張天錫

先生潛光九臯懷真獨遠心與至境冥符志與四時  
消息豈知蒼生倒懸四海待拯者乎孤忝承時運負  
荷大業思與賢明同贊帝道故遣使者虛左授綬鶴  
企先生乃眷下國

諭張天錫

前秦王猛

字景略



以秦之威。旁振無外。可以回弱水。使東流。返江河。使  
西注。關東旣平。將移兵河右。恐非六郡士民所能抗  
也。劉表謂漢南可保。將軍謂河西可全。吉凶在身。元  
龜不遠。宜深筭妙慮。自求多福。無使六世之業。一旦  
而墜地也。

送大司馬桓溫降牋

成蜀李勢

字子仁

先人播流。恃險固。釁竊有汶蜀。勢以闇弱。復統末緒。  
偷安荏苒。未能改圖。猥煩朱軒。踐冒險阻。將士狂愚。  
干犯天威。仰慚俯愧。精魂飛散。甘受斧鑕。以釁軍鼓。



結語矯然

卽日到白水城。謹遣私署散騎常侍王幼奉牋以聞。  
并勅州郡投戈釋杖窮池之魚待命漏刻。

尺牘雋言卷之五



尺牘雋言卷之六

閩莆陳臣忠景周甫輯

吳興閔邁德日斯甫校

宋

遺韓延之

武帝

譙王休之爲平西將軍子文思出嗣譙郡王在京師招集輕俠高祖執送休之自處休之表廢文思後結雍州刺史魯宗之共誅執政高祖親征休之密書招休之錄事延之

文思事源遠近所知吾受命西討止其父子而已彼土僑舊爲所驅逼一無所問往年郗僧施謝邵任集之等交構積歲專爲劉毅謀主所以至此卿等諸人



一時逼迫。本無纖釁。吾處懷期物。自有由來。今在近路。正是諸人歸身之日。若大軍登道。交鋒接刃。蘭艾吾誠不分。故具示意。並示同懷諸人。

下有司

武帝

吾忝大寵。思延賢彥。而兎置潛處。考槃未臻。側席丘園。良增虛佇。南陽宗炳。雁門周續之。並植操幽栖。無悶巾褐。可下辟召。以禮屈之。

荅羣臣

徐羨之等廢少帝。義符迎立都王義隆于江陵。王下教云。

文帝

皇運艱弊。數鍾屯異。猥以不德。謬降大命。顧已驚悸。



何以克堪。輒當暫歸朝廷。展哀陵寢。并與賢彥申寫。所懷望體其心。勿爲辭費。

詔報衡陽王義季

文帝

義季嗜酒。帝累詰責義季。引愆陳謝。詔報之。

故將軍蘇徽。耽酒成疾。旦夕待盡。吾試禁斷。并給藥膳。至今能立。此自是可節之物。但嗜者不能立志。裁割耳。汝既有美尚。加以吾意殷勤。何至不能慨然。深自勉厲。乃復須嚴相割裁。坐諸紆紆。然後少止者。一門無此酗酒。汝於何得之。臨書歎塞。



又詔

義季遷徐州刺史索虜侵逼北境義季無他經略惟飲酒而已

文帝

賊初起逸。未知指趨。故止裝束。兼存觀察耳。少日勢漸可見。便應大有經略。何合安然。遂不敢動。遣軍政欲乘際會。拯危急。以申威援。本無驅馳平原。方幅爭鋒理。又山路易馮。何以畏首尾。迴弱若謂事理政應如此者。進大鎮。聚甲兵。徒爲煩耳。

詔羣臣

文帝

吾少覽篇籍。頗愛文義。游玄玩采。未能息卷。自纓紉世務。情兼家國。加疲疾少增。志隨時往。屬思之功。與



事而廢。殘虐游魂。齊民塗炭。乃眷北顧。無忘弘拯。思  
總羣謀。掃清逋逆。感慨之來。遂成短韻。卿等體國情  
深。亦當義篤其懷也。

與魏世祖拓跋燾

文帝

自頃歲成民阜。朝野無虞。春末當東巡吳會。以盡游  
豫。臨滄海。探禹穴。陟姑蘇之臺。搜長洲之苑。舟楫雖  
盛。寡於良駟。想能惠以逸足。令及此行。

復高祖

司馬休之

辱疏知以譙王前事。親帥戎馬。遠履西畿。良增歎息。



凜然生氣

司馬平西體國忠貞。欵懷待物。以公有匡復之勲。家國蒙賴。推德委誠。每事詢仰。譙王見劾。自表遜位。又奏廢之所不盡者命耳。而公以此遽興兵甲。所謂欲加之罪。其無辭乎。吾誠鄙劣。嘗聞道於君子。以平西之至德。寧可無授命之臣乎。假令天長喪亂。九流渾濁。當與減洪遊於地下耳。

與殷琰

晉平王休祐

君本文弱。素無武幹。名器清顯。不應復有分外希覬。近者之事。當是劫於凶豎。不能守節。今大將軍長驅。



已造城下。勢孤援絕。禍敗交至。顧昔情款。猶有惻然。  
聖上好生惡殺。遐邇所聞。顧琛王曇生等皆軍敗。迸  
走被草乞活。尚蒙恩恕。晏處私門。今神鋒所臨。前無  
橫陳。况窮城弱衆。殘傷之餘。而欲自固乎。若開門歸  
順。自不可失富貴。將佐小太。並保榮爵。何故苟困士  
民。自求壑臚。身膏斧鑊。妻息并盡。老兄垂白。東市受  
刑。邪。幸自思之。信言不爽。有如皎日。

與殷琰

劉劭

夫擁數千烏合。抗天下之兵。傾覆之狀。豈不易曉。所



以復有此白者。實惜華州重鎮。鞠爲茂草。兼傷貴門。  
一日屠滅。足下若能封府庫。開四門。宣語文武。示以  
禍福。先遣咫尺之書。表達誠款。然後素車白馬來詣。  
轅門。若令足下髮膚不全。兒侄凋耗者。皇天后土。實  
聞此言。至辭不華。寧復多白。

臨終遺弟晦

字宣明

謝瞻

字宣遠

吾得啟體。幸全歸骨。山足亦何所多恨。弟思自勉。厲  
爲國爲家。

與廬陵王義真箋

謝靈運



會境旣豐山水。是以江左嘉遁。並多居之。但季世慕榮。幽栖者寡。或復才爲時求。弗獲從志。至若王弘之拂衣歸耕。踰歷三紀。孔淳之隱約窮岫。自始迄今。阮萬齡辭事就閒。纂成先業。浙河之外。栖遲山澤。如斯而已。旣遠同義。唐亦激貪厲競。殿下愛素好古。常若布衣。每憶昔聞虛想巖穴。若遣一介。有以相存。真可謂千載盛美也。

荅范特進

謝靈運

山澗幽阻。音塵闊絕。忽見諸讚。嘆慰良多。可謂俗外。



之詠尋覽三復味玩增懷輒奉和如別雖詞不足睹  
然意寄盡此從弟惠連後進文悟衰宗之美亦有一  
首并以遠呈

荅綱琳二法師

謝靈運

披覽隻難欣若暫對藻豐論博蔚然滿日可謂勝人  
之口然未厭於心聊伸前意無由言對執筆長懷

與王曇首

王弘之卒延之欲  
爲作誄竟不就

顏延之

字延  
年

君家高世之節有識歸重豫深毫翰所應載述況僕  
託慕末風竊以敘德爲事但恨短筆不足書美



與從弟僧綽

王微

字景玄

吾雖無人鑒。要是蚤知弟。每共晏語前言。何嘗不以止足爲貴。且持盈畏滿。自是家門舊風。何爲一旦落漠至此。當局苦迷。將不然邪。

報羊希

字泰聞

周朗

字義利

吾幸病不及死。役不至身。蓬藜旣滿。方杜長者之轍。穀稼是諮。自絕世豪之顧。塵生牀帷。苔積階月。又檐中山木。時華月深池。上海草歲榮。日蔓且室。間軒左幸有陳書十篋。席隅奧右。頗得宿酒數壺。按絃拭徽。

洒然自得



讐方校石時復陳局露初奠爵星晚驪然不覺是義  
軒後也

辭衡陽王義季箋

孔顗

字思遠

顗少淪常檢本無遠植榮進之願何能忘懷若實有  
螢燭增暉光景固其勝聲之日飛藻之辰也豈敢自  
求從容保其澹逸

與顏竣

劉瑀

字茂琳

朱修之三世叛兵一旦居荊州青油幕下作謝宣明  
面見向使齋帥以長刀引吾下席於吾何有政恐勾



奴輕漢耳

與王僧達

丘珍孫

褚伯玉字元璩吳郡錢塘人居剡瀑布山三十餘年隔絕人物僧達爲吳郡苦禮致之停郡信宿裁交數言而退

聞褚先生出居貴館此子滅景雲棲不事王侯抗高木食有年載矣自非折節好賢何以致之夫却粒之士餐霞之人乃可暫致不宐久羈君當思遂其高步成其羽化望其還策之日暫紆清塵亦願助爲譬說

荅丘珍孫

王僧達



有韻

褚先生從白雲游舊矣。古之逸民或留慮兒女。或使  
華陰成市。而此子索然惟朋松石。介於孤峰絕頂者。  
積數十載。近故要其來此。冀慰日夜。比談討芝桂。借  
訪荔蘿。若已窺煙液。臨滄洲矣。知君欲見之。輒當申  
譬。

與沈璞

王僧達

想館舍正安。士馬無恙。離析有時。音旨無日。憂咏沈  
吟。增其勞望。間者獯獫扈橫。掠剝邊鄙。郵販絕塵。垆  
介靡達。瞻江盼淮。眇然千里。



奉太宗啓

薛安都

安都爲徐州刺史太宗卽位進號安北將軍  
安都不受舉兵同晉安王子勛反子勛平定  
安都遣使  
奉啓歸款

臣庸隸荒萌偷生上國過蒙世祖孝武皇帝過常之  
恩犬馬有心實感恩遇是以晉安始唱投誠孤往不  
期生榮實存死報今天命大歸羣迷改屬輒率領所  
部束骸待誅違拒之罪伏聽湯鑊

登大雷岬與妹

鮑照字明遠

吾自發寒雨全行日少加秋潦浩汗山溪猥至棧石



星飯結荷水宿。旅客貧辛。波路壯潤。始以今日食時。  
僅及大雷。塗登千里。日踰十晨。嚴風慘節。悲風斷肌。  
去親爲客。如何如何。夕景欲沈。曉霧將合。孤鶴寒嘯。  
遊鴻遠吟。樵蘇一嘆。舟子再泣。誠足悲憂。不可說也。

與王僧虔

檀珪

字伯玉

經涉五朔。踰歷四晦。書牘十二。按覲六七。遂不荷潤。  
反更曝鰓。蟬腹龜腸。爲日已久。餓虎能嚇人。遽與肉。  
餓麟不噬。誰爲落毛。

與子侄

雷次宗

字仲倫



韻致目遠

吾童稚之年。已懷遠略。弱冠托廬山。事釋和尚。游道  
餐風。二十餘載。淵匠既傾。復與汝曹歸耕先隴。山居  
谷飲。忽復十年。及今未老。尚可勵志成西歸之津梁。  
自今以往。家務大小。一勿見聞。

諮顧道士

名歡字景怡

朱廣之

字處深

夙漸法化。晚味道風。常以崇空貴無。宗趣一也。蹄網  
雙張。義無偏取。各隨曉入。唯心所安耳。何必龍袞可  
襲。而瓔珞難乘者哉。自貧來多負。研敷沈替。緘卷巾  
牘。奄逾十載。幼習前聞。零落頓盡。蘊志空年。開瞻靡



階。每獨慷慨。遙夜輒起。申旦忘寐。而清心遠信。纏苦  
彌篤。若夫信不沿理。則輕泛無主。轉墜之賓。因斯而  
起。是以罄率狂管。書述鄙心。願重爲啓。誨敷導厥疑。

與道明

袁粲

字景倩

頻見亮公非常人也。比日聞所未聞。不覺歲之將暮。  
珠生合浦。魏人取以照車。璧在邯鄲。秦王請以華國。  
天下之寶。當與天下共之。非復上人貴州所宜專也。  
齊

詔將軍李安民

武帝



青徐泗州義舉雲集。安民可長。轡遐馭。指授羣帥。

手詔張融

字思光

武帝

見卿衣服粗故。誠乃素懷。過爾藍縷。亦虧朝望。今送一通故衣。意謂雖故。乃勝新也。是吾所著。已令裁減。稱卿之體。并履一量。

勅廬陵王子卿

武帝

汝比在都。讀學不就。年轉成長。吾日冀汝美。勿得慙如風過耳。使吾失氣。

荅王僧虔

竟陵王子良



子邑之紙。研妙輝光。仲將之墨。一點如漆。伯英之筆。窮神盡意。妙物遠矣。邈不可追。

誠子

王僧虔

汝年入立境。方應從官。兼有室累。牽役情性。何處復得下帷如王郎時邪。爲可作世中學。取過一生耳。各在爾身。已切豈復關吾邪。鬼惟知愛深松茂柏。寧知子弟毀譽事。因汝有感。故略敘胸懷。

遺崔祖思

字敬元

劉善明

昔時之游于今邈矣。或携手春林。或負杖秋澗。逐清



知趣

風於林杪追素月於園垂如何故人徂落殆盡足下方擁旄北服吾剖竹南甸相去千里間以江山人生如寄來會何時

答府召

宗測

字敬

性同鱗羽愛止山壑眷戀松筠輕迷人路縱宕巖巘流有若狂者忽不知老至而今鬢已白豈容課虛責有限魚慕鳥哉

荅魚復侯子響

宗測

少有狂疾尋山采藥遠來至此量腹而進松木度形



悠然物外

超世語

而衣薜蘿澹然已足。豈容當此橫施。

荅張永

沈鱗士

字雲禎

明府德履冲素。留心山谷。民是以被褐負杖。忘其疲病。必欲飾混沌以蛾眉。冠越客於蟬冕。走雖不敏。請附高節。有蹈東海而丸耳。未忍受此黥劓。

求自試

王融

字元長

臣聞春秋蟀集。候相悲。露木風榮。臨年共悅。夫惟動植。且或有心。況在生靈。而能無感。臣自奉望宮闕。沐浴恩私。拔跡庸虛。叅名盛列。纓劍紫複。趨步丹墀。



歲時歸來。誇榮邑里。然深恩鮮報。聖主難逢。蒲柳先秋。光陰不待。貪及明時。展悉愚効。以酬陛下。不世之仁。若微誠獲信。短才見序。文武吏法。惟所施用。

謝竟陵王賜裘

王融

降飾自尊。垂榮及賤。玄玉不純。曾波奪采。南陸方永。北風日壯。無衣無褐。發念聖哀。而挾纊之問。每流解裘之賜。偏安。

謝竟陵王示法制

王融

翔慧燭於昏途。灑灑水於塵路。至夫澄心洗累之規。



莊情束影之制。解網出界之訓。滅惑淨照之旨。行首  
霜威。字端風厲。信可以糟滓五書。糠粃百氏。所謂窺  
七澤而狹橫。汗登泰山而小天下。

與劉虬

王融

玉燭登年。金商在律。炎涼始貿。動靜惟安。勤味道腴。  
業遵雅尚。良書獨擁。善談無析。願言之子。實痗我心。  
不遠千里。尺書道意。

謝隨王賜紫梨

謝朓

字玄暉

味出靈關之陰。旨珍玉津之澁。豈徒真定。歸美大谷。



慙滋將恐帝臺妙棠安期靈棗不得孤擅王盤獨甘  
仙席雖秦君傳器漢后推餐望古可儔於今何荅

與王儉

字仲寶

張充

字延符

充生平少偶不以利欲干懷介然之志峭聳霜崖確  
乎之情峰橫海岫影纓天閣旣謝廊廟之華綴組雲  
臺終慚衣冠之秀所以擯跡江臯狎狂隴畔長羣魚  
鳥畢影松阿半頃之田足以輸稅五畝之宅樹以桑  
麻嘯歌於川澤之間諷詠於澠池之上泛濫於漁父  
之游偃息於卜居之下如此而已



奏記新安王

江淹

字文通

淹東國之徒步耳。方斂影逃形。匡坐編蓬之下。遂遭  
煙露餘彩。日月末光。惟恩知泰。變色薰心。

上建平王箋

江淹

淹乃庸人。素非奇士。徒以結髮衛次。暫聞仁義。常欲  
永辭冠劍。弋釣畎畝。而身輕恩重。猥奉末光。枉白璧  
之惠。降黑貂之私。因茲感激。未能自反。負金羈於淮  
吳。從後車於河楚。竟不能曜丹雘。騰英聲。絕白雲。負  
蒼梧。至可知矣。不謂咸池再暉。瑤光重照。開高天之



慈布厚地之施。承命以驚。巡走且失。

與蕭令王僕射

虞羲

字子陽

袁侍中

名象字偉才

體高亮之宏姿。挺孤奇之逸藻。孝友

結於衡閭。忠正表於邦域。顧與善無徵。報施徒語岱山委岫。崑岳摧峰。四海縉紳。誰不掩泣。明公德冠時宗。道高物表。若得橫議聖時。斟酌今古。採茂實於當年。標芳流於千載。馳徽謚於山道。潤貞氣於泉門。豈非體國之至公。典謨之盛軌者耶。


與傅琰

玄暢



貧道栖荆累稔。年衰疹積。厭毒人喧。所以遠託岷界。  
卜居斯阜。抱郭懷邑。迴望三方。負巒背岳。遠矚九界。  
以去年四月。創功覆簣。輒疏山讚。以露愚抱。







合道...  
卜...  
以去年四月...  
創功...  
...  
...



